

Prædicatorum frater; tremor eum apprehendit, & caput ejus ad modum magnæ cistæ grossum & valde ponderosum sibi esse videbatur. Sed in infirmitate correptus, & pœnitens, simulque de sua incredulitate dictisque deplorans, dum veniam à sacerdote petitam obtinuit, reverenter manum ejusdem sancti deosculans, confestim à tremore & inflatione capitis liberatus evasit, sensitque progredientem, ut retulit, maximum ex dictâ manu suavitatis odorem; qui odor cum ipsius curati capitis personæque ex tactu manus ejusdem per magnum tempus inhæreret, multis eundem postmodum percipientibus sciscitantibusque quid esset hoc signo narrare quod acciderat (etiam nolens) miraculum cogeatur.

Notarius quidam dum ad mensam sanus accederet, surgens ab illa gravi squinantia infirmitate correptus est, duobus diebus propterea linguam movere non potuit & loquelam amisit. Cumque multa medicorum remedia ei adhibita, quin eadem infirmitas in augmentum procederet, non prodesse, imo de illo desperarent: ad sanctum conceptam devotionem ut ad tumulum ejus deferretur, quem lingua non valebat, manus sue scriptura deprompsit. Verum cum illuc repugnante uxore sua (quia mulieribus præfati monasterij Ecclesiam ingredi non liceret) nequaquam duceretur, ipse sic infirmus advertens intra seipsum, eidem beato viro se ut liberaret affectuosius commendavit. Cæpit ex tunc linguam ducere, meliorari & cõvalere, & brevi temporis intervallo perfecte curatus fuit.

Dum alius quidam per septem hebdomadas & ultra, febre quotidiana, malo hepatis & stomachi affligeretur, quadam die Veneris cum pejus haberet, auditis quibusdam miraculis quæ per virum Dei facta esse dicebantur, cum se ad ipsum devotius sequenti die sabbathi deferro, uxoris suæ suavis eaque præsentis devovisset: die Dominicæ proximo in mane se à præfatis infirmitatibus plene reperit liberatum.

Mulier quædam cum filium suum duorum mensium decumbentem periclitari non immerito formidaret, pro eo præsertim quod per menses quatuor ex sordiditate adeo gravata esset ut decies exclamata vagientem etiam puerum vix audiret, viri sui inductione qui mæstus una cum illa communis filij periculo condolebat, prædicto viro Dei ut eam ab eadem infirmitate eriperet, obnoxius devovit. Emissoque voto cõ nocte secuta dormisset, in crastino se liberatâ sancti meritis reperit ut optabat.

Puella gutturis sui fauces squinantia habens infirmitate constrictas, in tantum ut ne quid sumere solidum aut liquidum valeret, & anhelitus sibi meatus ut vix respirare posset includeretur: dum devotè se beato viro à matre persuasâ commendaret, ductaque foret in crastinum ad dictum monasterium Fosse novæ superpositis gutturi suo viri sancti reliquijs in quadâ capsâ delatis, cõfestim melioratâ se sensit, panem comedit, perfectèque sanata rediit.

Quidam præfati monasterij fossæ novæ conversus adeo gravem in brachio dextro & spatula dolorem patiebatur, ut ipsum brachium quod per trium mensium cū dimidio spatium detulerat suspensum ad collum, ei esset inutile, dolore præsertim vehementer afflictum. Quod cum requisitum medicorum remedium non haberet & amplius dolore gravaretur, dum dicto sancto pro sua liberatione se quodâ emissio voto commendasset, seque supra ejus tumulum posuisset: ibidem obdormivit, ac excitatus deinde à quodam dicti monasterij monacho, brachio quod

A linteo prius habebat incumbens collo adhuc dependenti extractum ab eo reperit, excitatumque; à somno more dū ambas manus capiti suo ut ipsum scalperet apposuisset, se liberatum intellexit ac altantibus quod notum fuerat miraculum revelavit.

Infans quidam quatuor annorum tumorem & ruborem in costis & crure usque ad pedem patiebatur adeo afflictivum, ut nec à matre sua vel alio sine læsione & clamore suo aliquatenus tangi potuisset; movere se non poterat; & per mensem in tanto dolore & anxietate fuit, à medicis spes curationis ejus sine incisione pueruli non inveniebatur, illaque si fieret, perpetuò eum in persona futurum impeditum, mæstus amaritudine mentibus nunciabat. Deficiente natura, artisque suffragio non invento, recursum est ad Deum qui gloriosus est in sanctis suis, faciens prodigia. Nam mater infantuli quæ ipsum diligebat ut mater, eum B. Thomæ devotius commendavit ut à dictâ infirmitate sine incisione suis meritis liberaret. Delatus est puer ad monasterium, positus super tumulum sancti, post aliquantulum moram sanus inde surrexit.

Hæc sunt igitur testimonia tua Deus, quæ de hoc viro justo nobis credibilia facta sunt nimis: nam si testimonium hominis accipimus, testimonium Dei majus est. Quo animam enim cælum possidere jam credimus, intercessorem ipsum expectamus: ac inter sanctorum agmina, quasi stellam matutinam confidimus esse locatum. Unde fidem tuam in nobis bone Jesu nutris, spem erigis, dilectionis charitatem accendis.

Lætetur itaque mater Ecclesia, exultet Italia, parens Campania jucundetur, Prædicatorum sacer ordo jam jubilet. Religiosorum devotio concrepet, Doctorum turba complaudat. Animentur ad studia juvenes, proveci non torpeant, senes delectentur in illis, omnes in humilitate proficiant, proveci contemplationem non deserant, mandata Dei seduli exequantur. Nam dedit illi Deus cor ad præcepta, & legem vitæ, & disciplinæ & sapientia humilitati exaltabit caput illius.

In medio Ecclesie aperuit os ejus, & implevit eum dominus spiritu sapientia & intellectu, sola gloria induit eum: nam, veritas (quæ est Christus) ipsa veris non fictis doctoribus pollicetur, qui elucidant mentem aternam habebunt. Quamvis ipse verus justitiae sol, stellarum illustratione non egeat, nec illarum irradiatione, cum illuminentur ab ipso, clarescat: Habitat enim lucem inaccessibilem, qui est splendor gloriæ & figura substantiæ ejus: idcirco tenebris non obcuratur ut deficiat, aut nebulis offuscatur ut suæ claritatis radios non diffundat.

Cæterum, quia rationis ordo deponit ut triumphantem in cælis Ecclesiam devota in terris militans subsequatur, illum veneratione præcipua percolat quem in cælestibus agminibus positum Deum glorificare cognoscitur.

Nos de sanctitate vitæ ac miraculorū veritate, confessoris ejusdem non semel tantum, sed primo & secundo: non festinè, sed maturè inquiri fecimus: & per nos etiâ, & fratres nostros sanctæ Romanæ Ecclesie Cardinales inquisitionem hujusmodi exactâ discussione examinavimus diligenter, ut tanto firmius quanto maturius, tanto certius, quanto disquisitius inquisitum, & examinatum existeret, & in sic arduo difficiliq; negotio procedere valeremus. Difficile namq; æstimamus quæ in terra sunt, & quæ in prospectu sunt invenimus cum labore; quæ autem in cælis sunt quis investigabit? Cumq; per hujusmodi nostram & eorumdè fratrum nostrorum examinationem sollicitâ, & sollicitudinè examinatam, vitam ejus sanctam, & miracula vera ejus meritis facta probata esse constiterit, & supplicanti